



Partenza da la grupp a Müstair.

FOTOS MAD



Pausa dasper l'En en vischinanza da Scuol.

Buna partenza per Get-Together

■ (cp) Dapi glindesdi, ils 12 da fanadur, è il project Get-Together, Inscunter da las linguas, sin viadi en Svizra. Las duas gruppas da viandants, che vegnan a traversar durant tschintg emnas las quatter regiuns linguisticas da la Svizra, han cumenzà cun success lur rutas. Tant en la Svizra rumantscha sco en quella franzosa è la plurilinguitad stada en il center. L'emprima emna da viandar è passada per omaduas gruppas senza gronds incaps. Las rutas han pudì vegnir percurridas sco planisà. Ina grupp sa chatta dentant en l'Engiadina Bassa sin via a Cuira. La segunda grupp è a Losanna e vegn a suandar ils proxims dis la riva dal Lai da Geneva vers Montreux.

Ils emprims puncts culminants sper il



Foto da grupp cun Dario Widmer.

viadi a pe èn stads ils dus dis da project, in a Geneva ed in a Scuol. Qua han las gruppas per l'emprima giada gù la pussaivladad da sa fatschentar cun la lingua locala, la cultura e la populaziun da là. Las differentas activitads sco ils curs da cuschnar, las visitas guidadas atras ils lieus e concerts èn stadas ordvart interessantas tant per ils viandants sco era per ils indigens.

Già ussa sa legran giuvens creschids da ulteriurs inscunters fascinants durant las proximas quatter emnas. Tgi che ha interess da viandar ensemen cun Get-Together po era far anc ussa quai – ch'i saja lura per in di, per in'emna u per l'entir viadi. La ruta da viandar ed ulteriuras infurmaziuns davart il project datti sin la pagina www.get-together.ch.



Tura guidada tras la vischnanca da Scuol.



Concert da Dario Widmer.